

Na osnovu člana 16. stav 4., Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 16. sjednici, održanoj dana 09.07.2015. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi-Prijedlogu zastupnika Senada Karavdića, broj: 01-14-13082/15, od 16.06.2015. godine, vezanu za regulisanje pitanja u vezi sa obavljanjem i plaćanjem sistematskih ljekarskih pregleda zaposlenika u osnovnim i srednjim školama na području Zeničko-dobojskog kantona i čini sastavni dio ovog zaključka.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/15.
Datum, 09.07.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

U vezi sa aktom Stručne službe Skupštine Kantona, broj: 01-34-13082/15., od 19.06.2015. godine, koji se odnosio na zahtjev za davanjem odgovora na podnesenu inicijativu Senada Karavdića, broj: 01-14-13082/15., vezanu za regulisanje pitanja u vezi sa obavljanjem i plaćanjem sistematskih ljekarskih pregleda zaposlenika u osnovnim i srednjim školama na području Zeničko-dobojskog kantona, resorno ministarstvo daje sljedeće:

MIŠLJENJE

Razmatrajući podneseni prijedlog-inicijativu zastupnika Senada Karavdića, naglašavamo da je resorno ministarstvo razmotrilo dato obrazloženje prijedloga-inicijative uvaženog zastupnika, te utvrdilo da su ova pitanja, i u prethodnom periodu, (počev od 2011. godine), pažljivo i sistematično razmatrana, pri čemu su bile kontaktirane i pojedina zdravstvene ustanove, (vidjeti u prilogu datog Mišljenja), ali i Ministarstvo zdravstva ZDK-a. Kao rezultat tako obavljenih konsultacija, uslijedilo je opredjeljenje za pojedinačnu cijenu ljekarskog pregleda od (50.00 KM) po zaposleniku, pri čemu su sagledani svi potrebni parametri na osnovu kojih bi bilo obostranom prihvatljivo obavljanje ljekarskih pregleda za sve zaposlenike u obrazovanju na području pojedinih općina Kantona. Dakle, riječ je o izvjesnom popustu na tarifne cijene, jer su domovi zdravlja, isključivo po teritorijalnom principu, kao javne ustanove u državnoj svojini, (a bez bilo kave prethodne procedure javnih nabavki), dobile utvrđeni iznos javnog novca na ime ljekarskih pregleda svih nastavnika i osoblja u školama na svom području. Pored toga želimo naglasiti da osim donesenih programa mjera štednje Vlade Kantona, i dugogodišnje prakse obavljanja pregleda po istim cijenama, postavlja se opravdanim i dodatno pitanje, da li se ove vrste usluga za zaposlenike u školama, (kao aktivne korisnike zdravstvenog osiguranja), mogu provoditi u ambulantama porodične medicine pri domovima zdravlja, dakle na osnovu neposrednog uvida u njihove osobne zdravstvene kartone, a iz čega bi bilo objektivno i tačno vidljivo u kojem i kolikom pojedinačnom obimu, treba izvršiti i dodatne ljekarske pretrage. Tim prije što se prema odrebama važećih obrazovnih zakona, posebna pažnja iskazuje u pregledu/kontroli na zarazne bolesti i duševna stanja zbog specifičnih uvjeta rada sa djecom-učenicima. Također, želimo ukazati i na činjenicu da su sredstva za realizaciju ove zakonske obaveze, već locirana na pojedinačnim budžetskim stavkama škola, koje su obavezne ista namjenski utrošiti za ove namjene, te da se ista, u ovom trenutku, ne mogu povećavati, nit bi prema stajalištu ovog organa uprave, bilo opravdano postupanje domova zdravlja prema kalsičnim tarifama zdravstvenih ustanova važećih za redovne ljekarske preglede.